



## **Universitätsbibliothek Paderborn**

### **Instructio Practica ...**

Unà cum Rubricis ejusdem Missæ brevibus Notis illustratis

De SS. Missae Sacrificio Juxta Ritum Romanæ Ecclesiæ offerendo - Unà  
cum Rubricis ejusdem Missæ brevibus Notis illustratis

**Lohner, Tobias**

**Dilingæ, 1676**

Tit. XXX. De Evangelio ultimo.

[urn:nbn:de:hbz:466:1-48307](#)

## TITULUS XXIX.

## DE BENEDICTIONE.

Ritus Communis.

I. **S**Emper datur Benedictio, præterquam in Missis Defunctorum.

II. Cùm dat Benedictionem, simplicem Crucem super Populum stans in medio Altaris facit, etiamsi à latere & à tergo aliqui circumstant, aut flecterent. Gavant. tit. 12. lit. I.

III. Si Venerabile Sacramentum sit expositum, dicto **Omnipotens DEVS**; flectit genu, & postquam à latere Evangelij benedixit, non redit ad medium Altaris, sed in eodem latere se ad Altare vertit. Gavant, tit. 14. n. 15. Arnaudus in appendic. n. 11. Bauldrius p. 4. c. 26. n. 12. Corsertus p. 1. c. 15. n. 12. Gerlacus Vinitor p. 4. tit. 4. n. 18. quia cùm tantum ideo non perficere circulum debeat (uti in communi Missa fieri solet) ne terga Sacramento obvertat; hæc autem tergi obversio satis caveatur, si dicto modo se in latere dextro vertat, non appetet ulla ratio aut necessitas, cur ad medium redeat & genuflectat; uti nonnulli faciunt Arnaudi pro se auctoritatem citantes, qui tr. 1. p. 4. tit. 8. n. 8. habet hæc verba: *In fine dat benedictionem à latere Evangelij, neque perficit circulum, sed revertitur ad medium, ne terga vertat Sacramento: Sed hic textus neutiquam obstat, quia in primis non dicit, in medio genuflexionem faciendam esse; deinde vero in appendice cit. ubi ex instituto de hac materia agit, se ipsum declarans hæc verba haber: In Benedictione Populo danda dicto Omnipotens DEVS genuflectit Celebrans, & in latere Evangelij benedit: non perficit circulum, neque in medio genuflectit, sed in eodem latere conversus statim ad Altare signat librum seu tabellam Evangelij ultimi, non Absare.*

## TITULUS XXX.

## DE EVANGELIO VLTIMO.

Ritus Communis.

I. **S**Emper dicitur; & quidem plerumque S. Joannis, nisi Dominica aut Feria major à Festo, cui illa cedere debet impe-

**A**mpedita occurrat (excipe Dominicam quartam Adventus, si Vigilia Nativitatis in eam cadat, Palmarum, & Vigilias in Quadragesima & Quatuor Temporibus occurrentes) aut pro primo Evangelio id sit dictum, uti in tertia Missa Nativitatis Domini contingit.

**I**I. Si in Dominica aut Feria Majori Missa votiva pro re gravi dicitur, semper dicitur Evangelium S. Joannis, omissio Evangelio Dominicæ aut Feriæ. Rubrica hic n. 2.

**I**II. Si libro non utatur, Altare signat ad *Initium Evangelij*: sed hoc non facere debet, si Venerabile Sacramentum sit expositum, tunc enim non decet Altare (secus est de libro aut tabella sentiendum) quod ipse Auctor Benedictionis ei insistens benedit, ab homine benedici. Gavant. tit. 14. num. 15.

**I**IV. Si Venerabile Sacramentum prostet, aliqui Arnaldum tit. 12. n. 9. & Bauldrius p. 3. c. 26. n. 12. secuti, ad illa verba: *Et Verbum Caro factum est*: parum ad illud conversi genuflectunt; sed cum neque Rubricæ in Feria V. Cœnæ Domini (ubi diligenter Cæremonias in Missa coram Venerab. Sacramento celebranda adhibendas explicant) neque Gavantus, qui & ipse easdem Cæremonias toto titulo XIV. accuratè explicavit; hujus conversiōnis meminerint, poterit ea cum multis sine scrupulo omitti.

## TITULUS XXXI.

### DE REGRESSV AD SACRISTIAM.

#### Ritus Communis.

**I.** **N**on extinguendæ sunt Candelæ ante finitum Evangelium, & tum initium fieri debet ab ijs, quæ ad corru Evangelij sunt accensæ. Arnaud. tit. 12. n. 4. Bauldrius tit. 12. n. 6.

**II.** Quando redit ad medium Altaris, finito Evangelio, facit Crucis reverentiam, antequam descendat ad planum; in ipso vero plano facit iterum reverentiam convenientem Altari vel Sacramento.

**III.** In recitatione Hymni trium Puerorum Antiphona duplicatur in Duplicibus, & ijs Missis, quæ ritu Duplici, id est,